

Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

Eivsdem Evsebii Cognomento Pamphili, Episcopi Caesariae Palaestinae,
De vita sanctissimi Imperatoris Constantini, Liber secundus.

urn:nbn:de:hbz:466:1-29861

243

EIVSDEM EV-

SEBII COGNOMENTO

PAMPHILI, EPISCOPI CAE-

sariæ Palæstinæ, De vita san-
ctissimi Imperatoris Con-
stantini, Liber
secundus.

*Licinius clanculum persequitionem molitur, episcopis in
Amasia, quæ Ponti pars est trucidatis.*

CAP. I.



Ste, quem diximus, Licinius in eundem cum illis gurgitem, qui cum deo bellum gesissent, præcepis deiectus est: & quorum interneciones impietatis causa ipsis illatas, oculis aspexisset, eorum exemplum ad suam perniciem cōsectatus, persecutionem contra Christianos, tanquam quoddam ignis incendium iam pridem extinsum, de integro exuscitauit: grauiore flamma ab ipso, quam à superioribus tyrannis accensa. Atque velut belua quædam immanis, aut serpens tortuosus in se conuolutus fuorem, & minas quasi cum deo bellaturus, anheians, nondum apertè quidem, (Constantinum enim admodum extimescebat) contra dei ecclesias ipsius imperio subiectas dimicare ausus est: Sed clam apud se malevolentiae occultans venenum, clandestinas insidias separatim contra episcopos comparauit. Nam per veteratorias molitiones magistratuū, qui prouinciis præfuerunt, spectatissimos quoq; inter ipsos & medio tollendos curauit. Quin cædis modus in eos institutus, pere-

Hh 5 grinus

EVSEBII DE VITA

grinus quidam erat, Cuiusmodi non aliquando cognitum fuisse arbitror. Quæ enim fuere ab eo in Amasia ponti patrata, extra omnem crudelitatis modum longe euagata sunt.

Ecclesiæ derutæ, & episcopi disperpti.

CAP. II.

IN quo loco nonnullæ ecclesiæ quæ fuissent etiam ante euersæ, iam secundo è sublime ad solum usque prostratae. Aliæ autem à prouinciarum præfectis occlusæ, ne quisquam eorum qui eas frequentare consueuerant, eo ad cōuentus agendos accederet, neue cultus Deo debitos impertiret. Nam qui ista mandauerat, non existimauit, preces illic pro se fieri, vt pote quem mala conscientia in eam opinionem induxisset. Sed pro constantini salute, nos omnia pietatis officia exequi, & deum assidue pro eo orationibus placare pro certo persuasum habuit. Illius autem essentatores, & qui ei egregie blandiri in animum induxerant illustrissimos ecclesiariū præfides (inde enim se impio tyranno rem gratissimam fatueros arbitrati sunt) capitis suppicio multarunt. Itaq; qui in fontes erant, perinde atque hi, qui cæde & sanguine manus suas inquinassent, sine causa ad locum supplicij ab ducti sunt, & graui pena affecti. Iam verò, quidam nouum mortis genus subierunt, corpore in multas particulas ense minutatim dissecto. Ac post istud crudele supplicium, & omni scelere in tragediis auditio magis horrendum, in profundos maris gurgites piscibus vorandi projecti sunt. Pii viri post hæc, sicut paulò ante acciderat aufogere, famuli Dei in agros rursus, & solitudines se abdere ceperunt. Vbi ista hoc modo succedunt Tyranno ex sententia, de cetero contra omnes persecutio- nē excitare in animū inducit. In qua re certe fuit set voti compos, & nihil ei fuit set impedimento, quod minus in opere in instituto processisset, nisi Deus, qui suorum seruorum propugnator, vti quod futurum erat, præuerte- ret, famulum suum. Constantinum, tanquam lumen il- lustre in tenebris & nocte obscurissima incensum, in ea loca,

loca, in quibus versabatur Tyranus quasi manu dixisset.

*Quid Constantinus animo conceperit, cum christianis
persequutio intentaretur.*

CAP. III.

Qui cum ne rumorem quidem de illis rebus quas di-
ximus dissipatum amplius ferendum cerneret, mo-
desta animi, ratione, rem secum reputare, & morum
seueritate cum Clementia naturaliter sibi insita tempe-
rata, ad afflictorum liberationem maturare cœpit: existi-
mans pietatis & sanctimoniae munus esse, ut per vnius
cædem infinita hominum multitudo seruaretur incolu-
mis. Nam cum animo complexus esset se magna facilita-
te vsum hominisque commiserationem parum prome-
rentis misertum, ei vtpote à malorum instituto minime
recedenti nihil omnino profuisse, imò verò eius rabiem
contra subiectos magis auxisse, adeo vt illis qui ab eo
erant afflictati, nulla esset reliqua salutis spes, absque
cunctatione dextram salutarem iis, qui essent in tam ex-
tremas calamitates prolati, portigere instituit. Idcirco
consuetum militaris expeditionis apparatum instituit.
vniuersa agmina tam peditum, quam equitum, ad illum
frequentia confluunt: quæ omnia antecedebant insignia
certæ in deum fiduciaræ, quæ crucis effigiem supra mon-
stratam, pulchrè representarunt.

*Quod Constantinus adhibitis orationibus componebat se ad
bellum: Licinius contra incantationibus.*

CAP. IIII.

Precibus, si vñquam aliàs, etiam iam sibi opus esse
prope intelligens, dei sollicitare sacerdotes, vt sem-
per cum ipso versari, semperque presto esse vellent:
hosque tanquam quosdam animæ custodes ducere. Nūc
vero qui tyrānidē propugnabat, cū auditione accepisset.
Constantinū contra hostes nō aliter, quā per dei virtutē
præsidiū ipsi afferentē victoriam conari cōparare, & eos,
quos dixi, semper vñā cum illo versari, ei adesse, & salu-
taris Christi passionis insigne vniuersum illius exercitū
perpe-

EVSEBII DE VITA

perpetuò antecedere, has res reuera (sic namque erat verisimile) irrisione dignas putauit: simulque Constantium habuit ludibrio, & contumeliosis verbis lacerauit. Itaque is primum augures & vates AEgyptiorum, venificos etiam & præstigiatores, sacrificios & prophetas eorum, quos habebat pro diis accersit ad se: deinde diis illis, quos sibi colendos censuit, victimis placatis, Sciscitur, quo modo belli exitus ipsi cederet. Illi enim hostium victorem sine dubio fore, inque bello superiores laturum uno ore respondent. Quin etiam longis carminum ambagibus oracula ubique idem assuerant. Augures predicti ei per auium volatus fausta præsignificata esse: Sacrifici viscerum micationem similia portendere demonstrant: Fraudulentis igitur istorum promissis elatus, magna cum confidentia castris egressus est, ad manus conferendas paratus.

*Quid de idolis & Christo dixerit, cum in lucis
dæmonibus sacrificari.*

CAP. V.

Qui cum esset prælium initurus, satellites suos, & eos quos inter amicos eximiè charos habebat, in locum quendam qui sacer apud illos putabatur, conuocat. In quo nemus erat irriguum & densum: varix item statuæ lapideæ vario artificio sculptæ, diis ipsius in eo eratæ: Quibus cum cereos accendisset, & consuetas immolasset hostias, eiusmodi orationem habuisse fertur. Viri amici ac socii, Dii isti sunt patrii, quos ex maioribus antiquitus colendos accepimus, quosque religiosè & sancte veneramur. Iste, qui nobiscum prælium initurus est, patriis institutis violatis, pre errore, quo cæcatus est, peregrinum quendam deum (vnde haud equidem scio) colens, impia opinione mentem imbuit: & turpi istius insigni exercitum suum magnopere dedecorat. Quo fretus procedit in aciem, & non contra nos solum, sed multo potius contra ipsos deos, quorum cultorū ut proditor, deseruit, arma ferre aggreditur. Hoc igitur in tempore, liquido constabit, & quis nostrum opinionis errore vagatur, & vtrum diis, qui à nobis, an qui ab altera parte coluntur,

coluntur, priores deferendæ sint. Aut enim nos victores erimus, & sic iure optimo nostri dii seruatores, & oportulatores veri existimari debent, aut si hic Constantini Deus (quisquis ille fuerit, vel vnde sit profectus, nescio) nostros cum plurimi sint, idque numero & multitudo superiores deuinat, nemo de reliquo vocet in controuersiam, quem tandem deum venerari oporteat: Sed vinceti se addicat, & illi præmia offerat victoriæ debita. Quod si peregrinus ille Deus, qui est iam à nobis ludiibrio habitus, superior in prælio videatur, illū nos decet agnoscere, illum colere, & ita lögum vale dicere his, quibus cereos frustra accendimus. Verum si nostri potiantur victoria (quod non dubium est) post victoriā hoc loco partam, ad bellum contra impios faciendum matremus oportet. Ista apud suos coram oratione differuit. Nobis vero hanc historiam scribere instituentibus, eius verba retulerunt hi, qui eadem auribus accepissent. Tyrannus tali oratione habita, iussit, ut milites prælium q̄ primum aggredierentur.

*Spectra in ciuitatibus quæ Licinio subiiciebantur visa,
quasi Constantini exercitu eas insectante.*

C A P. VI.

DVM ista gerebantur, visum quoddam, supra quam dici potest admirabile, circa Ciuitates eius ditioni subiectas, apparuisse ferunt. Nam se videre videbantur varias turmas militum armatorum qui sub Constantino duce dimicassent, in ipsa meridie per vrbes, tanquam victoria potitas transiisse: Atque ista cernebantur, nemine vspiam reuera apparente, sed visione diuiniore quadam & excelsiore virtute, quod futurum erat, portendente. Cùm exercitus essent iam prælum inituri, qui amicitiae fœdera ruperat, primum dimicare exorsus est. Ibi Constantinus Dei omnium seruatoris auxilio implorato, signoque isto suis militibus dato, in prima dimicacione hostes expugnauit: Deinde non longo tempore post, Secunda etiam pugna tulit superiores: atq; adeo iam salutari seruatoris vexillo exercitum suum antecedente, præclariora victoriæ trophea consecutus est.

Vbicung;

EVSEBII DE VITA

Vbicunque in preliis crucis signum adfuit, ibi illico consequutam esse victoram.

CAP. VII.

Nam in qua parte istud crucis vexillum visum fuit, hostes fugam capere: victores persequi, Qua re intellecta imperator, sicuti partem aliquam sui exercitus languentem cernebat, ibi salutare illud vexillum, tanquam quoddam subsidium ad victoriam obtinendam locari mandauit. Cuius adiumentis, extemplo parta est victoria: quippe dimicantium vires diuina quadam potentia fuere admodum confirmatae.

Quinquaginta ad portandum crucem delecti.

CAP. VIII.

Qapropter suis iussit satellitibus, qui & corporis robore erant, & virtute animi, & pietatis institutis in primis eximii, ut in solam vexilli illius gubernationem omni cura ac studio incumberent. Erant viri non pauciores quinquaginta numero, quibus nihil aliud impositum erat negotii, quam ut vallarent undique vexillum, praesidiis munirent, singuli que ordine, illud ipsum humeris gestarent. Atque ista quidem imperator ipse longo post temporis interuallo interiecto cum animo vacuo erat, nobis, qui hanc historiam scribimus, exposuit: addens etiam rem dignam esse, quae literis ad posterorum memoriam commendaretur.

Quod de cruciferis quidam, cum fugisset interfectus est, qui fideliter permanerat, seruabatur ille sus.

CAP. IX.

Nam cum in media, inquit, belli dimicatione ingens forte fremitus & turbatio repentina exercitu occuperet, ille qui vexillum hoc portabat humeris, inter praeliandum primum præformidine exhorrescere cœpit: deinde alteri illud tradere, ut belli impetum effugeret. Postquam alter accepit, isteque fuit ex acie egressus, & extra vexilli præsidium locatus, telo coniecto in ventre confosus est, morteque sopus concidit. Atque ut isti timiditatis & diffidentiae penas luens, ibi mortuus iacuit: Sic ille qui salutare trophyum, sublime & erectum portabat, omnino eius subsidio cœsavit incolmis: adeo ut

sepe

sæpe cum tela frequentia ab hostibus in eum iacerentur, qui ipsum ferebat, saluus extiterat, & vexilli hastile, tela missa exceperit. Atque istud omnem plane superat admiratione, tum quod tela ab hostibus iacta sic intra exiguum illum & angustum hastilis ambitum prouolabant, ut in eodem fixa hærescerent: tum quod ille, qui illud ipsum gestabat mortem effugeret: Imo vero ut qui hoc ministrium obibant, nihil damni incommodive aliquando acciperent. Neq; certè hæc nostra est oratio, sed ipius imperatoris, qui præteralias res, hanc etiam nobis coram memorauit. Qui ubi diuina potentia has duas primas victorias fuisse adeptus, de cetero, exercitu ordine instruto, ulterius processit.

Confusione varia, & constantini victoria.

CAP. X.

Qui autem contrariarum partium erant, quiq; primū dimicare cœperant, cum illius impetum abiectis armis, manu sustinere non possunt, ad pedes imperatoris acciderunt. Iste ut pote ex hominibus conseruandis voluptatem capiens, omnes exceptit incolumes. At alii qui in armis se tenuerunt prælio instare. Quos primū imperator benigne & humanitus, ad amiciciā iungēdam imitauit: Sed ubi, minimè obsequētes intelligebat, in eos dimisit exercitū. Illi statim terga dātes, in fugā vertūtur. Ex quibus deinde alii capti, iure belli interfeci sunt: nō nulli, aliis in aliū, ruentes, suorum gladiis decubuerūt.

Licinii fuga & incantationes.

CAP. XI

Post hæc, qui hisce rebus principium dederat, cum videlicet se famulorum auxiliis orbatum, & exercitum, quem collegerat, profligatum, ac sociorum copias deletas, & spē in illis, quos ipse deos putabat, nihil posse ipsa iam experientia manifestò conuictam, tum se turpisimæ fugæ mandauit: Sicq; euasit incolumis, atque adeo extra vitæ periculum propterea fuit, quod pius imperator suis mandasset, ne omnino eum persequentur, ut fugiendo saluti prospiceret, spes enim in eius insidiebat animo, illum cum persentisceret, in quas incidisset calamitates, non modo ab insana temeritate desitum

EVSEBII DE VITA

desitum, verum etiam suam mentem ad meliora cogitanda conuersurum. Et quamquam iste singulari humanitatis studio ista instituebat, inducebatque in animum iniuriam toleranter ferre, & indigno impertire veniam, ille tamen neutquam ab improbitate se abstinuit: Sed mala malis accumulans, Sceleriora facinora aggreditur: ac de integro fallacibus & dolosis præstigiatorum institutis, animo confidere cœpit. Licebat profecto eandem sententiam de eo, atque de veteri tyranno pronuntiare, quod Deus eius cor plane indurauerat.

Quomodo Constantinus orans in tabernaculo, victor extiterit. C A P . XII.

Qui cum animum eiusmodi obstrinxisset sceleribus, seque in exitii tanquam barathrum detrusisset, Constantinus qui secundò iam bellum necessario gerendum animaduerteret, seruatori suo preces fundendi, tempus vacuum & solutum dicauit: & crucis tabernaculo extra castra etiam longissime fixo, ibi syncere & pie meditationi se dedens, more veteris illius Dei prophetæ, quem extra castra tabernaculum fixisse diuina confirmant oracula, Deum orare cœpit. Nonnulli etiā, quos ipse ob fideli & pietatis studium satis spectatos habuit, in idem minus cum eo vna incumbebant: hocque etiam alias exequi ei erat in more positum, cum bello cum hoste decertare constitueret. Nam sicut propter securitatē tardior in rebus gerendis fuit, sic dei consilio omnia administrare consultum statuit. Et cum iam vacuo animo attente deo preces adhibebat, semper diuina aliqua visione dignatus fuit, Ac post illud tanquam diuino instinctu impulsus, exiliit è tabernaculo, & repente exercitum incitare cœpit: mandauitque ut nulla mora interposita, ipsam gladiorum aciem experirentur. Qui ex improviso hostes adorti, homines cuiusque etatis conciderunt: atque interdum punto ferè temporis parta victoria, trophea contra hostes insignia statuerunt.

Constan-

AD hunc modum imperator etiam iam antea in præliis committendis & seipsum gerere, & exercitum regere consuevit: quinetiam Deum suæ ipsius animæ præponere, & illius consilii omnia transfigere, diligenteremq; adhibere cautionem ne inter dimicandum fieret multorum cædes. vnde non magis suorum, quam hostium saluti prospexit. Quapropter suos, cum fuissent in pugna victoriam adepti hortari solebat, ut captiuorum misereretur: & cum homines essent, naturæ humanæ nequaquam eos caperet obliuio: atque si aliquando militū animos ferociores cerneret, auri munusculo eos refrena re: precipereq; ut qui aliquem ex hostium numero viuū cepisset, aliqua certa auri summa remuneraretur. Atque hanc velut illecebram ad hominum conseruationem, imperatoris ex cogitauit prudentia: adeo ut infiniti etiam ex ipsis Barbaris incolumes euaserint, imperatore ipso- rum vitam auro redimente.

Iterum de oratione in tabernaculo.

C A P. XIV.

Quemadmodū igitur hæc & infinita his similia etiam alias imperator facere consueuerat: sic in præsen- tia, de more suo ante initum prælium, in taberna- culo separato, tempus precibus addeum sundendis libe- rum addixit: ab omni licentia & vitæ ratione luxu dif- fluente sese vocauit, inedia & corporis afflictione se- ipsum coercuit: vti deum sibi cum precatiibus suppli- cibus placatum, tum benignum adiutorem haberet: eaq; perageret, que De° est illius animo injecturus. porrò au- té, vt pote natura vigilans & attentus permagnam reipæ curam suscepit, nec magis pro suorum, quam pro ho- stium salute precatus est.

Licinii in amicos dolus, & eidolorum cultus.

C A P. XV.

POstquam autē Licinius, qui paulo ante se fugæ man- dauerat, rursus amicitiae fœdera iungere sibi esse in optatis, simulatione præse tulit, hic noster præscri- ptis

EVSEBII DE VITA

ptis illi pactionum formulis ad vitam cuiusque accommodatis, vtilibusque, fœdera cum eo ferire non dignatus est. Quibus quidem pactionibus, quanquam tyrannus, quem supra memorauimus, lubens obsecundare prætexuit, fide iureiurando confirmata: tamen ex occulto, hominum armatorum manum iterum cogere, & de integro bellum pugnamque renouare, barbaros homines in societatem asciscere. Deosque alios, utpote à prioribus in fraudem inductus, circum circa quæsitum cursitare cœpit: & corum verborum quæ non ita pridem de diis habuerat, nullam omnino tenuit animo memoriam, neque deum, Constantini propugnatorem agnoscere voluit, sed plures & recentiores deos cum irrisione omnium conquerere laborauit.

Qualiter Licinius milites premonuerat, ut dimicationem contra crucem declinarent.

C A P. XVI.

Poste cum reuera intelligeret, quanta, quam diuina, quamque inexplicabilis esset in salutari Christi passionis trophæo vis (qua quidem roboratus Constantini exercitus, in bello superior esse consueuerat) milites circum se hortatus est ne huic ex aduerso irent, caue rentque ne fortuitu aut per imprudentiam in illud oculos conicerent. Nam & virtute valere plurimum, & sibi aduersarium infestumque esse affirmauit: & propterea debere declinare eam, quæ contra idem instituit, dimicationem. Iis rebus sic constitutis, cum eo, qui propter clementiam ipsum expugnare tardauerat, & mortem eius distulerat, prælio contendere aggreditur. Itaque ut huius milites multitudine deorum, & ingenti copiarum militarium numero confisi, Simulachra hominū extinxitorum (quos pro diis colebat) hostibus velut propugnacula obiicere, sicq; manu cōfigere cœperūt: ita Constantinus lorica pietatis obseptus, salutare crucis & vitale signū, tanquam quoddā terriculamētū, aduersariorū & munimētū ad mala propulsanda firmissimū, hostium multitudini opposuit: Atamen principio a bello ad tempus abstinuit, & misericordia cōmotus, neutiquam prior iniit prælūm, ne amicitiæ fœdera, quæ pactus erat, violaret.

Constantia

Constantini victoria. CAP. XVII.

Verum ubi aduersarios constanter in instituto perstare, iamq; gladiorum acie experiri cernebat, egre sane & grauiter ferens, sublato clamore, omnes hostium copias momento tēporis pedem referre coegit: simulq; contrā inimicos, & dēmones reportauit victoriā.

Licinii suorumque mors. CAP. XVIII.

DEnde impiū tyrannū vnā cum suis, belli iure condenatū, debito addixit suppicio. Qui vero prælii contra Deū suscipiendi authores fuissent, pariter cum tyranno ad locū supplicii abducti sunt: & ibi meritas iustasq; persoluentes pœnas, misere interierunt. Qui quidem sicut ante spe in diis vanis locata insolenter se efferebant, sic paulo post Constantini Deum, qualis & quam admirabilis esset, reipsa intellexerunt: & hunc iam verum & solum deum se agnoscere confessi sunt.

Summa omnium letitia & panegyris.

CAP. XIX.

Porrò impiis hominibus è medio sublati, & potesta-
te tyrannica deleta, mundus de reliquo velut solis
claritate collustratus fuit: vniuersæque orbis terræ
partes, quæ Romanorū parebant ditioni, in vnum coa-
luerunt: quinetiā dum gentes, quæ orientē occupabant,
alteri parti adiicerentur, & vno generali principatu, tan-
quam capite quodam, totum corpus adornaretur, vnius
imperii potestas per omnes peruasit. Illustres præterea
lucis ex pietate nascentis splendores hiis, qui antea in
tenebris & mortis umbra conseruantur, lētos & serenos
dies impertierunt. Neque erat vlla amplius præteriorū
malorū recordatio: Quippe omnes vbiq; victorē hymnis
celebrabant, huiusque conseruatorem, solum deum se
agnoscere fatebantur. Iste imperator vniuerso pietati
genere eximus & victor egregius, (hanc enim ap-
pellationem, cognominis loco, victoriæ sibi à Deo con-
tra hostes & inimicos donatæ maxime proprie conue-
nientem inuenit) orientem recuperauit: & vnum con-
iunctum coharentemque principatum, more veteri

Ii 2 Rōmæ

EVSEBII DE VITA

Romanorum, sibiipsi subiecit: ut non modo Deum omnibus, qui in imperii sui finibus continebantur palam prædicare cepit, verum etiam, vniuersum mundum gubernaculis singularis potestatis, quæ Romanorum ditionis erat propria, præclare admodum administravit. Malorum porro quæ antea cunctos mortales oppræßerant, metus sublatus fuit, & qui antè fracto animo & demissio fuerunt, hilari vultu, obtutuque læto alter alterum aspergerunt. Tum choreis & hymnis primum Deum summum omnium regem esse prædicarunt: Deinde victorem Constantinum, eiusq; filios modestissimos, deoq; charos Cæsares, acclamationibus continuis extulerunt. Erat iam veterum malorum & impietatis cuiusque obliuio: iam suauis præsentium bonorum usus & oblectatio: iam iucunda expectatio futurorum.

Quomodo pro confessoribus Constantinus leges sanxerit.

CAP. XX.

IAm apud nos, sicut etiam pridem apud eos, qui aliter orbis partem obtainent, imperatoris decreta, plena humanitatis diuulgata: iam leges, quæ & claram saetimoniæ erga Deum significationem dare, & non obscura bonorum cuiusq; generis indicia, cuiusq; oculis subiicere videbantur: neque solum prouincialibus, cuiusque nationis ea, quæ erant ad vitam accommodata utiliaq;, largitæ sunt, sed etiam dei ecclesiis, quæ conuenientia putabantur, rite præscripserunt. Nam primum omnium, illos qui à præfectis cuiusque prouincie, propterea quod idolis immolare recusauerant, è patriæ finibus pulsi, inque exilium electi fuissent domum reuocarunt: Deinde eos, qui curiis eandem ob causam essent adiudicati ministeriis liberarunt: præceperuntque ut qui fuissent facultatibus dispoliati, eas denuo reciperent. Quintam qui tempore persecutionis animi tolerantia in tormentis pro deo perforendis nobilitati, aut metallis excrucianti addicti, aut ad insulas incolendas condénavti, aut ad publica opera obeunda vi compulsi fuissent, per easdem leges istis omnibus miseriis ex insperato fuere liberati.

liberati. Eos etiam, qui propter constantem pietatis confessionem essent de militaris dignitatis gradu delecti, benignitas imperatoris ex ea contumelia rursus euocauit: libera optione data, vel ædes recipiendi, & prioribus honoris ornamenti potius cum dignitate, vel vita tranquilla contentis, atatem ab omnibus ministeriis vacuam degendi: Eosque item qui fuissent ad muliebria officia seruiliter obeunda, quo dedecore & ignominia afficerentur condemnati, pari ratione atque cæteros liberauit.

Quomodo etiam pro martyribus leges tulerit,

& bonis ecclesiasticis.

CAP. XXI.

ATQUE ista fuere de iis hominibus, qui hęc incommoda sustinuerint, imperatoris edicto sancta. De facultatibus autem priorum, qui in persecutione mortem obiissent, definite etiam præscriptis imperatoris lex. Nam sanctorū Dei Martyrum fortunas, qui in fidei confessione supremum vitæ diem egissent, a cognatis possideri precepit. Quod si nullus ipsis superesset sanguinis communione coniunctus, ut ecclesiae eorum hereditates adirent. Porro autem, quæ bona Christianorum antea in granarium relata, & ex eo, aut venditione, aut gratuitō ad aliorum usum ab alienata fuissent, quæve in illo ipso adhuc reperta essent, Dominis denuo debere reddi munificum imperatoris edictum in mandatis dedit. Atque benignæ imperatoris leges passim diuulgatae, non solum ecclesiæ dei & populo Christiano tot tanta que beneficia præstiterunt. Verum etiam infidelibus populis, & cunctis gentibus, alia præterea multitudine prope infinita, imperatoris magnificentia elargita est.

Quantopere populorum animos recreauerit.

CAP. XXII.

VNDE omnes, qui in nostris regionibus auditione solum accepissent ea, quæ iam ante fuerant in altera parte imperii Romani gesta, eosque qui ipsis affecti fuissent beneficiis, beatos putarent optarentque, ut ipsi tandem paribus potirentur, cū eadē ipsis etiam ante ocu-

EVSEBII DE VITA

Ios versarentur, se quoque iam in beatorum numero duxerunt, & sunt ingenuè confessi, tantum & tam præclarum imperatorem, tanquam rem quandam nouam & proprie inauditam (qualem nulla ætas, quam sol viderit, aliquando cognovit) mortali hominum generi apparuisse. Atque isti hoc animo fuerunt.

*Quod deum bonorum authorem palam prædicauit,
& de legum exemplaribus.*

CAP. XXIII.

POstquam autem omnes gentes dei patris virtute imperatori subiectæ fuerunt, bonorum sibi suppeditatorum largitorem omnibus palam prædicauit, eumque victoriarum quas esset consecutus authorem, & non seipsum agnoscere constanter testificatus est: hocque ipsum per edicta quæ literis latinis grecisque mandata erant, & ad omnes gentes missa, manifesto denunciauit.

Lex Constantini, de pietate erga deum & religionem Christianam, in qua haec continentur.

CAP. XXIV.

ATque nostram orationem de hac re institutam veram esse, si in ipsa edicta forte incideris, facile cognoscas licet. Duo quidem erant: alterum ecclesiis dei, & populo Christiano, alterum populis infidelibus singulas ciuitates incolentibus missum. Quod quidem utpote ad præsens argumentum valde commodatum hoc loco citare consentaneum arbitror: ad eum sanè finem, uti eius formula historiæ monumentis prodita, maneat reserueturque ad posteritatem: quandoquidem & ad veritatis plurimum, & ad nostræ orationis confirmationem non minus adferre videtur adiumentum. Descripta est enim ex primo exemplari ipsius edicti auctoritate imperatoris confirmati, & eius dextera subscripti, eaque tamquam sigillo ad fidem huic nostro sermoni faciendam obsignati, quod quidem exemplarum nos custoditum est.

Vidor

*Victor Constantinus Max. Augustus, prouincialibus
Palestine. S.*

Exemplum à vetustis temporibus.

C A P. XXV.

Vamquam erat olim veterum memoria apud eos,
qui recte & sincere de Deo Opt. Max. sentiebant,
euidens & perspicua differentia, quæ omnem dubi-
tationem longe ab hominum mentibus dispulit, quæque
etiam quantum intersit inter eos qui augustinissimā Chri-
sti religionem studiose obseruant, & eos qui oppugnant
eandem, atque adeo despiciunt ducunt, accurate distin-
guebat, tamen iam & argumentis illustrioribus, & splen-
didiioribus rebus gestis, tum huius dubitationis insci-
tia, tum quæ sit præpotentis Dei vis perspicue patefit:
Quandoquidem hos, qui fideliter sanctissimam Chri-
stianorum legem & disciplinam colant, nullumque illius
præceptum violare audeant, magna bonorum affluentia,
& robur firmissimum ad præclaros conatus cum bona
spe suscipiendos accommodatum: illos autem qui impia
mente imbuti sunt, euentus etiam ipsorum institutis
consentanei sequuntur. Quod si quisquam, qui neq; deum
bonorum authorem agnoscere, neque officia honestati
congruētia colere in animum induxit, aliquid boni sit
consecutus, euentu rerū ab ipso gerendarū fidem oratio
ni nostræ facile faciēt. Ac si quis superiora tēpora hucus
que cōtinuata animo percurrat, & priores res gestas acie
ingenii contēpleteur, reveriet omnes, qui fundamentū re-
rum gerendarū in iustitia & bonitate posuerint, conat
suos ad fōlicem exitum perduxisse, & tanquam ex suauī
quadam radice dulcissimum fructum percepisse: at qui
iniqua facinora edere aggressi sint, & nullam piām san-
ctamq; cogitationem erga humanū genus aliquādo susce-
perint. Sed homines exilio multare, illis cōtumelias face-
re, bona publicare, cēdes, & multa ei⁹ generis mala infer-
re effrenate moliti sint, & neq; illos aliquando pœnitue-
rit, neq; mentem ad meliora conuerterint, supplicia ap-
posite ipsorum sceleribus respondentia subiisse.

EVSEBII DE VITA

De iis qui persequitionem perpeſſi sunt, ac eorum
inflictoribus. CAP. XXVI.

ATque ista neque temerè neque sine ratione eue-
niunt. Qui enim animo recte ex iustitiae regula in-
ſtituto ad res gerendas ſe confeſtant, & timorem
Dei opt. max. aſſidue animo complectantur, & firmam er-
ga illum fidem retineant, & terrores periculaq;, quæ in
præſenti vita obiiciuntur, ſpe illa de rebus futuris oſten-
tata, posteriora ducant, hi licet ad tempus rebus ad-
uersis & incommodis conſilientur, tamen quia pro cer-
to perſuadum habeant, honores ſibi multò maiores in
poſterum reſeruatos, caſus qui incident fortuitu, neutri-
quam egrè & grauiter ferunt, ſed quò asperioribus de-
ueuantur moleſtiis, hoc illuſtriora gloriæ inſignia aſſe-
quuntur. Qui vero iustitiae norma cū dedecore reieſta,
Deum opt. max. non agnouerint: & eos, qui illum ſunt fi-
deliter conſectati, contumelie & ſupplicio intolerabili
obiicere non dubitarint, neque illorum gratia, quibus
ob talem cauſam pœnas irrogassent, ſe quidem miſeros,
illós autem felices & beatos (utpote qui etiam dum tam
dira tormenta ſubibant, pietatem erga deum firme reti-
nerent) iudicarint, iſtorum certe copię, complures conci-
derunt: multę in fugam conuerſae ſunt: omnis denique,
bellica expeditio ab his fuſcepta ad extrema cladem,
prolapſa.

*Quod persequitio, malorum cauſa extiterit iis qui
bellorum authores fuerunt.*

CAP. XXVII.

EX huiusmodi ſceleribus, bella pestifera exorta, ex hu-
ijsmodi, vaſtitates pernitiosæ: inde etiam diminu-
tiones rerum ad vitę uſus neceſſariarum: inde ma-
jorum eiusmodi nequitiam inſequentiū multitudo: inde
duces tantæ impietatis editi: qui quidē vel extremis erū-
nis exantlatis, extremam miſeriam perpeſſi ſunt, vel
vitam turpiſſimam degentes, eam poſtea cum ſuppli-
cia ſuis nequitiis aptè & aequaliter conuenientia ſuſti-
nerent, morte grauiores eſte facile agnouerunt.
Nam

Nam quo vehementius quisque eorum, temeritate quadam inductus, ad diuinam Christianorum legem & disciplinam expugnandam. (Sic enim putabat) vehementius acriusq; incubuit, hoc certe plus haust calamitatis: vsq; eo, ut singulis ipsorum non modo huius vitae acerbitates, Sed etiam grauissimus ille metus suppliciorum, quæ se expectarent apud inferos subituros, maximam plane afferret molestiam.

Deus bonorum administratorem Constantinum delegit.

CAP. XXVIII.

Proinde cum tanta & tam grauis impietas per humanas res permaneret, & Reip. velut à morbo quodam pestifero in periculum funditus intreundi venisset, & ob eam causam magna, eaq; salutari curatione egeret, quodnam quæso remedium diuinum numen (illud quidem omnino numen putadum, quod solum & reipsa est, & vniuerso temporis spatio satis virium ad opem ferdam in se continet) quod inquam remedium aut quam rationem, ad orbem terrarum ex his malis eripiendū ex cogitauit? dicam equidem: quippe beneficia à Deo opt. max. in nos collata ingenue agnoscere, eaq; egregie prædicare, reuera gloriosum est. Deus quidem certe, cū meum ministerium accurate quale esset explorasset, idēq; ad ipsius voluntatem explendam idoneum censeret, eodem vtens & mari Britannico, illisque partibus, ubi sol, rato cursu confecto necessariò occidit, initium facies, eximia quadam potentia & virtute, omnia mala, quæ homines premebant profligavit, & è medio prorsus sustulit: adeo ut mea opera ac diligentia, tum humanū genus, ad cultum augustinissimæ legis & disciplinæ reuocatum esset, tum fides sanctissima permagnas ipso deo duce, faceret progresiones.

Piae in Deum Constantini voces, & confessorum laus.

CAP. XXIX.

I

Dcirco cum exploratum habeam eū hoc ministerium omnium facile præstantissimum, mihi tanquam quadam suæ singularis erga me benevolentia indicium

II 5 com-

EVSEBII DE VITA

commisso, non meipsum dissolutum in eo sedulo exequendo, quò illi gratiā referam, præstabo: & propterea ad regiones in oriente sitas (quæ quidē orbis pars, quo asperioribus calamitatibus implicata tenetur, eo maius, firmiusq; auxilium à nobis implorat) iter iam suscipere, animus est: quippe vniuersam omnino vitam, & id totū, quo spiritū duco, atq; adeo omnes animi vires, quæ in intimo pectore insident, Deo opt. max. à me deberi pro certo persuasus sum. Et quanquam profecto non sum in scius, eos qui spem in rebus cœlestibus verè & ex animo ponant, hominum benevolentiae neutriquam indigere, & qui eam in Dei domicilio cōstanter & firmè collocarint, quiq; quo magis se à rerum caducarum fragilitate, sceleribusq; omnibus sciunxerint, hoc plus dignitatis adep- turi sint: tamen graues necessitates ad tempus eorū cervicibus impositas, & supplicia parum hominū nature cōfentanea, ab eis, qui nec culpæ alicuius affines, nec criminis cuiusq; rei sunt, quam longissimè depellere nostrorum partium in primis esse statuo. An non absurdum est maximè, ut cum eorum animi tolerantia, & constans robur, per illos, qui sint eos diuini cultus & religionis, caussa acerrimè persecuti, satis exploratè cognitum sit, eorum gloria à me, qui dei obsequio me totum dicauerim, non ad clarissimum augustissimumque splendorem extollatur.

Lex pro exulum liberatione, publicorum munerum vacante, & honorum hæste subiectorum restituzione. C A P. XXX.

OMNES igitur, siue qui crudelibus iudicū sententiis, subiecti, quibuscumq; temporibus illud ipsis contigerit, patriam cum exilio ideo commutare coacti fuerint, quod & honorem erga Deum & fidem, cui totis animæ viribus se consecrauerunt, non neglexerunt, siue qui inter Curiæ ministros numerati sunt, cum in eorum numerum non iure fuissent antea relati, omnes inquam, isti tum patriis sedibus, tum otio consueto restituti, deo, omnium liberatori gratias agant. Siue præterea, qui rebus suis

bus suis fuerint priuati, & fortunarum omniū amissione
oppressi, hucusq; vitam abiectissimā degerint, isti quoq;
domiciliis pristinis, familiis, & facultatibus redditū, Dei
opt. max. beneficentia læti fruantur.

Item lex pro reducendis eis, qui ad insulas relegati erant.

CAP. XXXI.

Quin etiam eos, qui in insulis inuiti detinētur, istius prouisionis & solicitudinis nostrae beneficio potiri mandamus: ut scilicet cum haec tenus angustis montium recessibus, maris fluctibus circumiectis, vndeque conclusi fuerint, iam acerba illa solitudine, & à natura homini num penitus alienata liberati, desiderio rerum ab ipsis optatarum satiato, se ad amicissimos recipient: Cumque longo temporis spatio in squalore & sordibus odiosis vixerint, redditum, velut prædam repentinā minimeq; exceptaram nocti, curis præterea molestiisq; in posterum crepti, vitam metus expertem sub nostro traducant impenio, qui quidem vos Dei famulos esse & gloriamur, & pro certo persuasi sumus, quiq; ei, quod à ratione alienis simum est (præsertim cum nostram sit aliena peccata corrigere) ne aures quidem patefacere debemus, nedum fidem adhibere.

Item alia lex, pro iis qui ad metallū cum sui ignominia

& ad publica opera damnati erant.

CAP. XXXII.

Qvicumque porro aut ad metalla effodienda condēnati sint, aut ad publicorum operum ministeria obsecunda addicti, hi cotinus laboribus cū grato ocio commutatis, facilius & lenius vitæ genus libera cum postestate agant: immoderatis laborum asperitatibus in placidam animi remissionem conuersis. Atque si liberitate quæ est omnium communis exciderūt, & ignominia affecti fuerint, isti cum solidalætitia priorem dignitatis gradum, tanquam diurna peregrinatione ab ipsis abalienatum recuperantes, in suam ipsorum patriam maturè se recipient.

Pro

EVSEBII DE VITA

*Pro confessoribus ad rei militaris pristina munia restituendis,
vel eorum donanda si vellent immunitate.*

CAP. XXXIII.

Illis item, qui iam olim honoribus militaribus donati, ab eisdē iniusta & iniqua de causa deiecti (nēpe quod confessionem in deo verè cognoscendo illis dignitatis ornamentis longè prætulerunt) libera detur optio, vel rei militari se dedendi, quo in pristino vitæ modo permaneant, vel cum honorata libertate, libere & pro arbitratu vitam degendi. Rectum est enim, & rationi consentaneum, ut qui in periculis ipsis illatis, tam egregiam animi magnitudinem, & tolerantiam declarauerint, integrum habeant potestatem, tum otio, tum dignitate liberè pro animi sui sententia perfruendi.

De ingenuis in libertatem vindicandis, qui ad muliebria opera, vel etiam seruitutem addicti erant.

CAP. XXXIII.

Porrò autem, qui nobilitatis suæ amplitudine vi dispoliati, talem quandam iudicum sententiam subiurunt, ut vel in gynecæa, vel in textrinas intrusî, dum & miserum laborem sustinerent, vel ut cellæ pænariæ ministri fierent, quò nihil superior illorū ortus ipsis adferret subsidiū, hi quoque honoribus, quibus antè fruebantur, & libertatis beneficio potiti, & ad pristinę dignitatis ornamenta restituti, deinceps hilari & læto animo vitam degant. Qui item de libertate sit in seruitutē datus, quiq; se iniqua & inhumana ciuis alicuius vecordia ministeria ipsi insueta obire coactum esse secum admidum deploret, & seipsum pro libero seruum ex improviso factum intelligat, is in libertatem priorem nostro edicto vindicatus, se parentibus similem efficiat: exerceatque labores libero homine dignos, & cogitationem seruiliū illorum munerum parum sibi accommodatorum, quæ anteā perperitus fuerit, penitus ex animo debeat.

Qxi

Qui succederent in bonis eorum qui aut martyres aut confessores fuerant, aut alio migrare coacti.

CAP. XXXV.

Porrò illud nobis videndum est, ut facultates, quibus singuli variis de criminibus falso illis obiectis orbati fuerint, restituantur, nempe si qui splendidissimum diuinissimumque martyrii certamen invicto & cōstanti animo sustinuerint, & propterea rerum suarum amissione tolerarint, & confessores constituti, spem perpetuam in Cælo sibi compararint: qui item nō modo solum vertere coacti, sed fortunis etiam priuati fuerint, quod neutiquam fidem prodendo persecutoribus cesserunt, istorum quotquot vita defuncti sunt, hæreditates cognatis impertiri mandamus: omnino autem quibus hæritates illæ debeantur, est cognitu per facile, cum leges eos, qui genere proprius accedunt, præcipiant hæredes fore: & quod ratione etiam oportet eos succedere, qui sint domestica consuetudine coniunctiores, cōstat: præsertim cum illi ipsi martyres, non criminis ullius conuicti, sed sua inducti voluntate mortem appetuerint.

Quibus de sanguine nemo superfuerat, iis ecclesia instituta est hæres: Si quid tamen hui viui cuiquam dedissent ratum id firmumq; permaneret.

CAP. XXXVI.

Quod si nemo de cognatis supersit, qui ulli vel martyrum, vel confessorum, vel exulum, quos diximus (qui eiusmodi de causa solum verterint) hæres ratione succedat, ut ecclesia semper cuiusque loci hæreditatem adeat ratum esto. Neque erit omnino molestum his, qui excedunt è vita, ut eam cuius gratia omnes suos labores susceperint, hæredem fælices assequantur. Præterea hoc necessariò proponi debet, quod si qui eorum, quos supra memorauimus, aliquid de fortunis suis, quibus visum fuit, donauerint, his possessio iure stabilis & firma permanere debeat.

Qui ho-

EVSEBII DE VITA

Qui horum agros hortos aut ædes possederant, reddere dominis
cogebantur, exceptis fructibus quos interim percepissent.

CAP. XXXVII.

ET ne quis error appareat in edicto, sed ut quid verè
voluerit, omnibus ad cognoscendum in proclui sit,
sciant omnes, si agrum, si domum, si hortum, si quid
eorum, quæ paulo ante posui, teneant, ipsis & honestum
& utile esse, ut non ea confiteantur solum, sed omni ab-
iecta cunctatione, restituant. Quapropter licet maximè
videantur quidam ex iniusta illorum possessione maxi-
mos fructus cepisse, & nos ut isti repetantur, minime
æquum iudicemus.

Quoniam modo illis harum rerum venia

à Constantino petenda erat.

CAP. XXXVIII.

TAmen illi ipsi plane confiteantur, & quos habuerint
fructus, & vnde eos collegerint, huiusque peccati
veniam sibi à nobis concedi postulent: ut non mo-
do auaritia antegressa tali adhibita correctione à probis
remittatur, verum etiam Deus opt. max. istud pœnitentia
loco excipiens, benignus & clemens, erratis veniam
det. At dixerint fortasse, qui huiusmodi facultatum do-
mini (si modo istud nomen in illis valere vel debet vel
potest) facti sunt, excusatione pro se allata, quod fieri
non poterat, ut se ab illis rebus abstinerent, cum tam va-
rium & multiplex misericordiarum cuiusque generis spectacu-
lum palam esset propositum: quo quidem tempore exti-
terunt crebræ, perditæque proscriptiones eorum, qui
nihil commeruissent, exque temerè inconsiderateque
factæ: crudeles etiam & insatiabiles persecutio-
nes, iustæ deniq; facultatum vditiones. Quod si huiusmodi
verbis quidam se defendere contendunt, & admonitio-
nes continuas expectant, ne existiment se illud impunè
laturos: præfertim cum ista à nobis tam sedulo admini-
strentur, quò Deo opt. max. debitum præstemus obse-
quium. Quæcumque enim antehac grauis & damnoſa
neces-

necessitas accipere coegerit, ea in præsentiarum retine-
re non nihil habet periculi. Ac necessum est insatiabilcs
cupiditates omnibus modis, id est, rationibus & exem-
plis, imminuere.

*Aerarium, agros, hortos, ac domos, ecclesiis suis resignare
debere. CAP. XXXIX.*

Neque enim, si quid ærarium earum rerum, quas ante posuimus, possideat, firme retinere illi liberum erit: imo vero contra sacrosanctas ecclesias nihil omnino dicere audeat: & quas res ad tempus per iniuriā posse fuderit, eas ecclesiis iure restituat. Omnia igitur, quæ rectè vereq; ad ecclesias pertinere videātur, sive domus, sive agri, sive hortus, vel si quæ sunt alia eiusdem generis, quæ in alicuius possessionem venerint, quo ius nullius, qui ad rem. id est, ad ecclesiam spectat, violetur, sed omnia sincera & simplicia maneant, restitui mandamus.

*De sacellis & cæmiteriis ecclesiis restituendis.
CAP. XL.*

QVINETIAM loca illa, quæ martyrum corporibus honorata sunt, & monumenta glorioſæ illorum è vita discessione, quis dubitet, quin ad ecclesias specent? imo verò etiam, quis non potius istud præcipere? quippe cum neque munus præstantius sit, neque labor Deo gratior, vel quod plus habeat utilitatis, quam diuino spiritu adhortante, in his rebus diligentem operam & studium collocare. Quæ etiam inquis de causis ab improbissimis hominibus ablata fuerint, ea ut æquitas postulat restitui sanctisque denuò ecclesiis integrare reddi iubemus. Cæterum quoniam perfectæ & singulis prouidentiæ est, ne istos quidem silentio præterire, qui aut iusta emptione aliquid ab æratio acquibuerint, aut gratis cōcessum retinuerint, & ad huiusmodi res occupandas cupiditate quadā inexplicibili temerè ruerint, sciant, quicunque fuerint de genere illo, sibi, quam harum rerum causa, quas coemere ausi sunt, nostram

E V S E B I I D E V I T A

nostram erga ipsos benevolentiam maximè abalienare, laborarunt, à nobis, quantum ratio commode ferre poterit, benigne prospectum iri.

Eximia ad colendum Deum exhortatio.

C A P . X L I .

HAEC igitur hactenus sermone nostro prouecta sunt. Verùm quoniam virtus dei omnipotentis evidenterissimis argumentis manifestissimisque fere ostendit, cum ad optima cohortando, tum benigne mea causa adeo firma apportando subsidia, ut iis acerba calamitas, quæ cunctas res humanas antea districtas tenuit, iam ex omni mundo, radiis solis collistrato, prorsus exempta, vniuersi simul & singuli accurata cura & cogitatione circumspicere debetis, qualis tandem illa potestas fuerit, quæ semen (ut ita dicam) perditissimorum hominū deleuerit labefactaritque: bonorum autem lætitiam quasi denuo reuocatam, in omnes regiones affatim fuderit, & omnibus concederit potestatem, tum officia diuinæ legi, ac disciplinæ consentanea cum omni obseruantia praestandi, tum illis, qui se huic consecrauerunt, honesta virtutis munera sedulò excolendi, qui quidem tanquam ex crassa caligine emergentes, quia eximia sunt sacrarum litterarum cognitione imbuti, de cetero, debitum cultum erga Deum, & honorem pium, eiique congruentem declarabunt.

Quomodo Constantinus leges quas tulerat, re ipsa confirmauerit. C A P . X L I I .

IStud primum imperatoris edictum ad nos missum, ista præcepit. Statim vero, quæ lege fuere præscripta, re ipsa processerunt: & omnia contraria his, quæ paulò antè à crudelibus tyrannis patrata fuissent, gesta sunt: imperatorisque beneficiis, potiebantur hi, quibus ea tribuilege sanctum fuit.

Quomodo magistratus qui Christiani essent, ad honores extulerit, qui vero gentiles erant, sacrificare interdixerit. C A P . X L I I I .

EX his vero rebus imperator abiens, alias res illustres & magni momenti cepit aggredi. Ac primum gentibus per varias prouincias dispersis, præfectos, qui maximam

maximam partem salutari Christi fidei se addixissent misit. Qui vero Gentilium consuetudine ac ritus imitari visi sunt, his ne sacrificia eidolis immolarent, interdixit. Eadem lex ab eo lata fuit de illis dignitatis gradibus, qui praefectorum honores suo splendore superabant. Aut enim si Christiani erant, ita se gerere precepit, uti appellationis ipsorum dignitas postulabat, aut si aliter animo affecti, mandauit, ne eidolishostias offerrent.

*De legibus quæ prohibuerunt sacrificia, sacras autem
ædes extruere mandauerunt.*

CAP. XLIV.

DEinceps duæ leges in eandem sententiam promulgabantur: altera, quæ vetuit detestabilia eidolatriæ scelera, quæ iam olim in quaque ciuitate & regione fieri consueuissent, & ne quisquam vel statuas erigere, curiosas & superuacaneas diuinationes moliri, vel denique sacrificare auderet: altera, quæ iussit templo exedificare, deiisque ecclesiæ, tum longitudine, tum latitudine ampliores effici: ut in posterum omnes homines (ut complectar breui) insano illo & superstitione multorum deorum colendorum rituè medio sublato, Deo opt. max. reconciliarentur. Talia enim tum animo instituere, tum his qui prouinciis præfuerunt per literas significare, imperatorem sua ipsius erga deum sanctimonia incitauit. Lex præterea illud est in se complexa, ut pecuniis largiendis non parceretur, sed à thesauro regio promerentur ad parandas res illis institutis necessarias. Quinetiam ad ecclesiarum præsides passim de eiusmodi rebus literas dare dignatus est, hasque primas ad me misit.

Victor Constantinus Max. Augustus Eusebio. S.

Constantini ad Eusebium & alios episcopos, ut magistratum procuratione edificantur ecclesie.

CAP. XLV.

Quemadmodum ad hoc usque tempus ob impiæ voluntatis institutum & grauem tyrannidem seruos dei persequentem, pro certo cognoui & satis per-

Kk sua sum

E V S E B I U S D E V I T A

suasum habui, omnium ecclesiarum ædificia, vel negligenter corruisse vel impendentis periculi metu, minime prout debuerat, refecta fuisse, frater charissime: Sic nunc cū libertas omnibus restituta sit, & draco ille, dei opt. max., prouidentia nostroque ministerio, de communi Reip. ad ministratiōne depulsus, arbitror equidem & virtutem ac potentiam diuinam omnibus satis constare, & eos, qui vel timore, vel infidelitate, in peccata lapsi sunt, cum ilud quod reuera bonum est, satis perspiciant, in veram & rectam viuendi viam reddituros. Quibusunque igitur ecclesiis, vel ipse præfis, vel alii episcopi, presbyteri, & diaconi vbi cunque terrarum, quos nosti, præficiantur, vobis omnibus videndum est, ut earum ædificia sedulo accurentur: quò vel ea quæ remanent reficiantur, laxiora que hiant, vel vbi necessitas postulauerit, de integrō exædificentur. Quæ vero res ad ædificationem necessaria requiruntur, eas quidem cum ipse, tum alii tuo nomine à præfectis, & magistratibus prouinciarum petent, his enim per literas à me significatum est, ut omni studio & propensione animi ea, quæ fuerint à tua sanctitate præscripta, subministrent. Deus te frater charissime diu florentem seruet. Ista literis prodita quibusque ecclesiarum, præsidibus, in singulis nationibus etatem degentibus, misericordia fuere. Ea quoque sedulo exequi, quæ erant his congruentia, prouinciarum præfectis mandatum: ac quæ legibus erant sancita illa etiam reuera cum magna celeritate confecta.

Contra eidolorum cultum scripsit.

C A P . X L V I .

PRAETerea imperator cum sacrosanctam disciplinam, quę ad dei cultum pertinet, augere studeret, omnibus prouincialibus cuiusque nationis, qui falso idolatriæ errore ante ipsius etatem implicati fuissent, literas dedit, prudentiisque persuasione cohortatus est eos, qui ipsius parebant imperio, ut deum omnium autorem agnoscerent, & ipsum Christum palam & perspicuec suum seruatorem esse profiterentur. Atque istas literas imperato-

Imperatoris ipsius manu scriptas, ad presentem hanc nostram historiam necessario arbitramur adiungendum, uti audire ipsum imperatorem videamur, idem illud hoc modo quasi omnium hominum auribus inculcantem.

*Victor Constantinus. Max. Augustus, prouincialibus
Orientem incolentibus. s.*

Constantini ad provincias contra errorem multiplicis deorum cultus decretum, & de virtute & vtilio prefatio.

CAP. XLVII.

QUæcunque firmissimis summisque naturæ legibus continentur, ea omnia prouidentiæ & diuinæ soler-
tis per ipsorum descriptionem diuinitus ordinatæ,
satis illustre specimen omnibus dant. Neque illa existet
dubitatio, quin accurata synceræ rationis, & rerū simul
in cernendi sensum incurrientium comprehensio, uno
veræ & perfectæ virtutis subsidio adiuncto, sit eos (quo-
rum animus, scientiæ quasi vestigiis recta insistens, ad il-
lum finem fertur) tandem ad dei cognitionem deductu-
ra. Quapropter quisque vir prudens non aliquando ani-
mo conturbetur, cum multos animaduertat, contraria vi-
tre instituta consecitari. virtutis enim decus in occulto
lateret, si non vitiositas, vitam peruersam & insolentem
illi, tanquam ex aduerso respondentem opponeret. Ve-
rum quod & virtuti corona sit proposita, & iudicio dei
summi omnium moderatoris coercentur vitiositas, ego
quoad fieri potest, iuxta eam spē, quæ ea de remeo in ani-
mo insidet, perspicuè vobis omnibus aperire conabor.

De pii Constantini patre, & Diocletiano, & Maximiano perseguitoribus. CAP. XLVIII.

Imperatores, qui ante hoc tempus ad Reipublib.
cæ gubernacula sederunt, propter agrestes, cre-
do & inhumanos mores, exhortati sunt. At-
que ut pater meus, admirabili cum pietate, in
omnibus suis rebus gerendis, Deo patre inuocato,
Kk 2 solus

EVSEBII DE VITA

solus clementiae opera executus est: Sic reliqui omnes, insano animo & furioso affecti, ad immanitatem potius, quam humanitatem suas curas & cogitationes contulerunt: Quæ sane, illis regnantibus, vera religione euersa, vehementer crevit. Cruidelis enim eorum nequitia vsque eo exardescere coepit, ut cum omnes res diuinæ pariter atque humanæ pacatæ & tranquillæ consisterent, intestina persecutionis bella ab illis excitarentur.

Qod Apollinis oracula, qui propter iustos homines responsa reddere non potuerat, persecutionis causa extiterint. C.A.P. XLIX.

Apollinem autem id temporis, ex antro quodam & tenebricoso recessu, non ex sacerdotis ore hoc oraculum edidisse ferunt: iustos, qui in terris versabantur, impedimento ipsi fuisse, quo minus vera loquenter, & propterea falsa oracula ex tripode edita esse, inde que etiam factum esse, ut comam demitteret. Oraculo igitur hoc modo exagitato, hominum malitia de ea, re conqueri coepit. Sed videamus ista, quem ad exitum, venerint.

Vnde truculentissimus tyrannus ansam sibi arripuerit, ad exquisitißima in Christianos supplicia comminiscenda. C.A.P. L.

Teiam deum altissimum contestor me verum dictum. Audiebam cum iam puer admodum essem, eum qui illo tempore principem locum inter Romanos imperatores obtineret miserum, planè miserum, errore cecatom, à satellitibus suis curiose inquirentem rogasse, quinam essent illi in terris iusti: quendamque exercitibus suis responsum dedisse, eos esse Christianos. Tyrannem autem responsum illud tanquam mel ore audire, arripientem gladios, qui erant ad iniuriam vlciscendam, excogitati, contra sanctos viros omni labore & reprehensione carentes intentasse. Exemplò igitur mandata crudelibus sicariis, quorum manus erant cæde & sanguine respersæ, data esse iudicesque missos, ut celeres animi, motus,

motus à natura datos, ad acerbiora suppliciorum genera inuenienda intenderent.

Quot contra Christianos tormentorum genera excogitata fuerint.

CAP. LI.

Licuerat tum, licuerat inquam cernere, quanta cum animi alacritate, egregii pietatis athletæ, in crudelitate continua, non vulgares, sed nouas in dies sibi gulosis afflictiones pertulerint. Quippe modestia, quam nullus hostis aliquando læserit, furorem iracundorum & amentium ciuium multo effecit truculentiores. Quæ incendii flamma fuit, quis cruciatus, quod tormentorum genus, quod non fuerit omnium sanctorum corporibus, nulla etatis ratione habita irrogatum? Eo tempore terra reuera lachrimas effudit: mundus res vniuersitas suo complexu coercens, taedio cruento inquinatus, fletum edidit: dies etiam ipsa præ lugubri prodigii calamitate obscurata est. Sed quid ista commemoremus?

Quod Barbari Christianos summa cum humanitate suscepint.

CAP. LII.

BArbari inde iam gloriantur: qui quidem eos, qui per idem tempus à nobis aufugerent, in tutelam receperunt: & licet illos tenuerint, ut captiuos, tamen humanissime tractarunt. Nam non solum in ea securitate collocarant, vt salutem, sed etiam, vt religionis suæ instituta & ritus retinere possent. Et iam Romani hanc maculam ad longinquum tempus continuatam sustinent, quam Christiani, eis imponebant, eo tempore, quo ex eorum ditione electi, ad Barbaros confugerunt.

Cuiusmodi plaga exceperit illos, qui propter vaccinationem, persequitionum autores extiterant. CAP. LIII.

Sed quid attinet pluribus, mærcatores illos, & communem totius orbis luctum persequi? Sceleris vero autores preterquam quod in Acherontis barathrum

EVSEBII DE VITA.

ad perpetuum cruciatum detrusi fuerunt, turpem præ-
terea vitæ exitum, quo misere interierunt, sunt conse-
cuti. Nam bellis intestinis mutuò extinti, nec nominis,
nec generis sui vestigium reliquerunt. Quod planè non
illis obtigisset, nisi impia illa oraculorum Apollinis diui-
natio, vim quandam adulterinam & adumbratam, qua in
fraudem inducebantur, in se fuisse complexa.

Praconium Constantini in deum, & signi crucis con-
fessio, & pro ecclesiis & populis præcatio.

CAP. LIII.

TE iam Deum Opt. Max. oro obtestorque: Sis orien-
tis incolis clemens & propitius & omnibus prœui-
cialibus diurna calamitate contritis, per me famu-
lum tuum curationem adhibeas. Atque ista non sine caus-
fa, o omniū Domine, & sancte Deus, abs te postulo. Tuo
enim impulsu res salutares & aggressus sum, & confeci:
tuoq; vexillo vbique hostibus opposito, exercitum ab
illis triumphantem duxi. Quinetiam si quando Reip.v-
sus postularat, illa ipsa tuæ virtutis ac potentiae insignia se-
quens, contra hostes audacter procedo. Et propterea e-
tiam tibi animum meum amore & timore ritè syncere-
que temperatum, totum dedo. Nam nomen tuum inge-
nuè amplector: virtutem tuam, quam multis argumentis
declarasti, quaque meam fidem firmiorem reddidisti,
sancte veneror. Meos igitur humeros huic operi subii-
cere equidem maturo, ut tuam augustissimam sanctissi-
mamque domum, quam nefarii illi & impii, graui vasta-
tionis scelere labefactarint, in integrum restituam.

Christianos optauit esse omnes, cœgit neminem

CAP. LV.

POpulum tuum pacem colere, & à seditione liberum
vacuumque esse, pro communi totius orbis, & cun-
ctorum hominum emolumento exopto. Qui autem
errore ducuntur, parem cum fidelibus pacis & tranquil-
litatis oblationem, læto animo capiant. Ipsa enim
recta

recta communitatis & societatis humanæ moderatio,
etiam ad illos in rectam viam deducendos, valebit plu-
rimum. Nemo alteri exhibeat molestiam: quod cu-
iusque animus vult, hoc quisque transigat. At verò
reste de Deo sentientibus penitus persuasum esse de-
bet, ipsos solos, quos ipse vocas, ut in sacratis tuis legi-
bus acquiescant, sancte & incorrupte vitam traductu-
ros. Qui verò seipso inde abstrahunt, commentitii
erroris delubra pro arbitratu habeant: nos autem splédi
dissimum tuæ veritatis domicilium, quod natura no-
bis largitus es, teneamus. Hoc etiam illis optamus, ut
videlicet per communem concordiam, latitiam an-
mo percipient.

*Præconium alterum in Deum, qui per filium suum
lapsos in errores illuminavit.*

CAP. LVI.

Quod vero ad nostræ religionis institutum attinet,
non nouum aut inauditum esse credimus, sed te ex
eo tempore, quo hęc vniuersarum rerum fabrica
firme coagmentata fuit, idem ipsum cum tuo venerando
cultu obseruandum præcepisse: Cærerum humanum
genus hallucinatum est, variis errorum opinionibus
a veritate abductum: at tu per filiu tuū, ut peruersitas illa
non in dies magis magisque ingrauesceret, puro lumine
porrecto, omnes in tui memoriam reuocasti.

*Præconium item aliud in Deum, ex orbis vniuersi ad-
ministracione. CAP. LVII.*

Tuæ potentia nos innocentes & fideles reddit: tuæ
res gestæ ista confirmant: quippe sol & luna ra-
tum suū & legitimū cursum tenet: neq; sydera absq;
ordine, totius mundi orbē lustrant: temporū vicissitu-
dines certa lege reuoluuntur: solida terræ stabilitas tuo
verbo cōtinuatur: vetus præstituto tépore, motum ciet:
aquarum lapsus præcipitans immenso quodā & infinito
cursu fertur: mare immobilibus terminis circunclu-
ditur: quodcumque per terram perquæ oceanum

Kk 4 fusum

EVSEBII DE VITA.

fusum est, hoc vniuersum ad mira quædam & singula-
ria hominum commoda fabricatum est. Quæ res nisi
voluntatis tuæ nutu atque arbitrio administrarentur,
sine controuersia tanta discrepantia, & tā magna poten-
tiæ, quæ in illis cernitur dissentio, vniuersæ vitæ huma-
næ esset, rebusque omnibus vassitatem allatura. Nam
ipsæ inter se cōfligentes, multo grauius cum humano ge-
nere confligerent: quod etiam faciunt, licet oculis non
cernantur.

*Aliud rursus preconium in deum, qui semper bona
que sunt, homines docet.*

CAP. LVIII.

Deus opt. max. & omnium Domine, tibi maxima ha-
beatur gratia. Nam quanto magis humana natura,
variis & discrepantibus studiis opinionibusque
duci intelligitur, tāto pluris apudeos, qui recte sentiunt,
quiisque curam veræ & perfectæ veritatis gerunt, diuini
verbi disciplinæ æstimentur. At verò si quis sit, quis se
sanari non sinat, alteri qui sanari vult, non virtus vertat.
Nam medendi facultas, quæ morborum curationibus
præest, omnibus in medio proposita est. Tantum ca-
uendum, ne quis istud, religionis institutum violet, quod
res ipsæ purum & integrum esse commonstrant. Frua-
mur igitur omnes boni illius communione quod nobis
datum sit, hoc est pacis: nostraque mens ab omni, quod
illi aduersetur, sit omnino separata.

*Hortatur sub editi finem, ut nemo alteri nego-
tium exhibeat. CAP. LIX.*

Attamen quod quisque sibi persuadeat satis pro-
bum & spectatum esse, in hoc alteri ne sit offendio-
ni:imo vero quocunque alter vel norit, vel in-
tellexerit, illo quidem proximum, si fieri potest, iuuet:
si fieri non potest, missum faciat. Aliud est enim
certamen pro immortalitate sponte suscipere, aliud
supplicii metu cogi. Hęc dixi, hecque pluribus,
quam id quod erat tenuitati meæ propositum po-
stulabat

, postulabat, propterea persecutus sum, tum quod veram
 , fidem occultare nolueram, tum maxime omnium, quod
 , iam nonnullis ut audio, in ore est, templorum ritus sub-
 , latos, hoc est ut ego dico, tenebrarum erroris in falsis diis
 , colendis potestatem prorsus abrogatam esse. Quod
 , planè omnibus hominibus penitus persuasissimum nisi quod
 , violentus peruersi erroris impetus ad Reip. euertendæ
 , periculum præter modum in quorundam animis peni-
 tus inhæserit.

Quomodo ab urbe Alexandrina questiones propter

Arium inceperint. C A P. LX.

Talem sermonem imperator, tanquam eximius Dei
 præco, prouincialibus omnibus per literas suas cō-
 municauit, quod subiectos sibi tū à diabolico errore
 depelleret, tum ad verum Dei cultum sectandum exhore-
 taretur. Ad quem iis rebus iam egregie nobilitatum, ru-
 mor de tumultu quodam, non exiguo illo quidem in ec-
 clēsiis concitato, perlatus est: cuius auditione percusus,
 ei cœpit remedium excogitare, Tumultus ille talis fuit.
 Dum populus Dei gloriabatur, rerumq; honestarū actic-
 nibus sese efferebat, metusq; qui extrinsecus aliquid mo-
 lestiarum facessebat, erat ablatus, & ecclesia illustri qua-
 dam, ut ita dicam, & trāquilla pace vndiq; cœpta munie-
 batur, inuidia nostris bonis insidias struens, callide irre-
 psit: inq; media episcoporum frequentia primum tripu-
 diare cœpit: eosque diuinorum decretorum discutiendo
 rum causa, in seditionis coniecit certamē: Deinde quasi
 ab exigua scintilla ingens incendium excitauit: Quod
 quidem ab ecclesia Alexandrina tanquā à summo capite
 exorsum, omnem Aegyptum, Libyam, & Thebaida dein
 ceps peragravit. Iam vero per reliquas prouincias & ciui-
 tates eousq; diffusus sese, vt nō modo ecclesiarum præ-
 sides verborum contumeliis se mutuò cōcidere, sed etiā
 reliquorū hominum multitudinem diuersē distractā, (dū
 hi in istorum, illi in aliorum sententiā inclinarent) cer-
 nere licuisset. Eō porrò turpitudinis rerum gestarū spe-
 & aculum prolabebarunt, vt iam in mediis infidelium the-
 atris sacrosancta diuinæ nostræ doctrinæ instituta, tur-
 pissimi ludibrii notam subiret.

EVSEBII DE VITA

De Ario & Melitianis. CAP. LXI.

N

Onnulli in ipsa Alexandria de summis religionis Christianæ mysteriis iuueniliter & inconsulte digladiari: alii per vniuersam Aegyptum, & superiorem Thebaidem de controuersia quadam iam pridem inter ipsos concitata decertare cœperunt, adeo ut vbiq; ecclesiæ in varias partes dirimerentur. Et quoniam vniuersum ecclesiæ corpus his rebus laborabat, tū tota Lybia, vehementer eisdem afflata fuit, tum reliquæ exterritorum prouinciarum partes pariter in morbi societatem venerunt. Nam qui Alexandriæ dissidebant ad episcopos aliarum prouinciarum, alii ad alios, legatos mitabant: illi autem in alterutram partem diuulti, simili seditionis flamma incendebantur.

Quomodo Constantinus miserit ad Alexandrinos
de pace componenda legatum.

CAP. LXII.

Q

Vibus auditis imperator, animo supra modum dolens, remque illam propriæ calamitatis loco statuēs, confestim virum ex numero piorum, quos habuit circa se, quem modesta fidei virtute satis spectatum, & superioribus temporibus pietatis confessione insigniter decoratum intelligebat, mittit, ut pacem inter eos, qui Alexandriæ discordabant, conciliaret, literalq; ad eam rem in primis accommodatas, per eundem ad seditionis authores dat: quas quidem, cum illustre testimoniu prudenter & solitudinis de populo dei suscepitæ complectantur, in hunc, qui de eo instituitur, sermonem inferere, consentaneum videtur: quæ se habent ad hunc modum.

Victor Constantinus, Max. August. Alexandro & Ario.

Constantini ad Alexandrum episcopum & Arium præbyterum literæ, & pro pace tuenda solicitude.

CAP. LXIII.

I

Psuum, ut par est, meorum institutorum adiutorē & cōseruatorem omnium, Deum testem adhibeo, istarum rerum, quas mihi re ipsa obeundas suscepi, duplicem causam

causam extituisse. Primum enim, ut omnium gentium de
numinis cultu opinionem ad vnius habitudinis ritusq;
formam traducerem: deinde quod in animo habebā, cor
pus totius mundi, tanquam graui aliquo morbo acerbē
vexatum, ad sanitatem restituere. Quæ sanè accurata ra-
tione considerans, alterum eorum interiore mēris acie,
id est consilio, efficiendum statuebam: alterum autē co-
piarum militarum subsidio & viribus, quoad poteram,
præclare gerere conabar: persuasum habens, si omnes
veros Dei cultores communi concordia vinculo, sicut
mihi in optatis erat, deuincire possem, vniuersæ nostræ
reip. ciues, se ad pia eorum instituta breui conuersuros.

Quòd questiones apud Afros agitatas, reprimebat.

CAP. LXIII.

Proinde cum insania quædam intolerabilis, propter
temerariam leuitatem quorundam, religionem à po-
pulo obseruatam in varias sectas discindere molien-
tium, vniuersam Africam occuparet, hūc morbum, cum
ipse leuare cuperem, nullum aliud remedium ei curando
satisfidebat, quām vt quosdam ex vestrū
numero adiutores ad conciliationem hominum inter se
dissentientium mitterem: quo inuidia communis totius
orbis inimica (quæ sacrī nostrī conuentibus aduersa-
tur) penitus restrinqueretur.

Quòd pietas ortum ab oriente sumpserit.

CAP. LXV.

Et quoniam veri luminis vis, & sacræ religionis di-
sciplina, quæ dei opt. max. beneficio, ex quibusdam
orientis quasi sinubus egressa est, vniuersum simul *Christiane*
orbem terrarum, suo splendore collustrauit, non sine *carnatio*
causa vos eam religionem profitentes, quos tanquam
quosdam gentium duces ad salutem fore existimo, non
modo propenso animi studio, verum etiam exquisito
oculorum obtutu inuestigare conabar. Nam simul ac
illustri contra hostes parta victoria verè triumphasse,
istud potissimum conquerere instituebam, quod omni-
um facile præstantissimum iudicarem.

Quod

EVSEBII DE VITA

*Quod de seditione anxius, quæ ad pacem spectabant
confulnerit.* CAP. LXVI.

Sed ō p̄eclarissimam & vere diuinā prouidentiā: qua
le & quām lethale vulnus curibus meis, imo vero ipsi
animo inflictum fuit, cum audiuiss' em seditionē inter
vos concitaram, multo plus habere acerbitas, quā eas
res quas ibidem ante gestas fuisse cognouimus: adeo vt
iam vestræ ecclesiæ membra, ex quibus sperabā aliis me-
dicinam petendam fore, multo maiore curatione egeāt.
Ac mihi de principio & causa istarum rerū accurate co-
gitanti, valde exili⁹, & neutiquā tanta cōtentione digna
vīsa est. Quapropter ad hanc epistolam scribendam ne-
cessitate adductus, non solum ad veltrum vtriusq; pru-
dentiam scribo, sed etiam diuinā prouidentiam in hac re
adiutricem fore obtestor, meq; etiam cōmunem vestræ
mutuæ dissentionis arbitrum, tanquam pacis moderato-
rem non sine cauſa adhibeo: Quandoquidem Deo opt.
max. mihi opem ferente, quamuis maior esset dissenti-
endi occasio, tamen spero oratione p̄iis audientium mé-
tibus adhibita, quemq; ad id quod sit vtilius, facile me
posse traducere. Quapropter cum causa tam exigua sit,
illa quidem, quæ totius vestræ reip. commoda impedire
videatur, quid est quamobrem non expeditiorē & multo
faciliorem dissidii correctionem spondeat?

*Vnde nata sit quæſtio inter Alexandrum & Arium, & quod
talia haudquaquam erant disquirenda.*

CAP. LXVII.

Inde igitur p̄äsentis controuersiæ fundamentum in-
telligo iactum esse: quod tu Alexander à p̄esbyteris,
de loco quodā in sacris literis scripto, querebas, imo
vero de inani quadam quæſtionis particula sciscitaba-
ris, quid quisq; illorum sentiret: tuque Arie istud, quod
neq; initio animo complecti, aut cum fuisses complexus,
silentio p̄teruisse debebas inconsiderate effutuisti.
Vnde discordia inter vos concitata, tum conuentus in
ecclesia impeditus: tum populus sanctissimus variè in
vtramque partē distractus, ex totius corporis ecclesiæ
compage diuulsus est. Proinde vterq; vestrum vicissim
veniam alteri tribuens, illud approbet, ad quod non sine
cauſa

causa vester conseruus vos cohortatur. At quid istud
 est? ut de rebus eiusmodi nec omnino rogetis, nec ad ro-
 gatum respondeatis. Tales enim questio[n]es, quales nulla
 lex canonice ecclesiasticus necessario prescribit, Sed ina-
 nis dissoluti otii certatio proponit, licet ad ingenii acu-
 men exercendum instituantur, tamen interiore mentis
 cogitatione continere debemus, & neque in publicos
 populi conuentus temere efferre, neq[ue] vulgi auribus in-
 consulto concredere. Quotus enim quisq[ue] est qui rerū
 tam grauium, tantaq[ue] obscuritate inuoluntarum vim vel
 satis accuratè prouidere, vel pro dignitate explicare va-
 leat? Quod si quisquam sit, qui istud se facile efficere &
 consequi posse confidat, quota q[ua]eso est illa multitudi-
 nis pars, quam possit efficere, vt id ipsum intelligat? Aut
 quis tandem est, qui in curiosa quaestione eiusmodi per-
 uestigatione, extra prolapsionis periculum possit consi-
 stere? Quocirca in talibus rebus loquacitas coercēda est,
 ne vel cum nos p[ro]p[ter]e nostri ingenii imbecillitate, quod
 propositum est, explanare non possimus, vel auditores
 inter docendum p[ro]p[ter]e intelligentie tarditate ad sermonis
 instituti comprehensionem peruenire non queant, ex re
 alterutra populus, aut in blasphemiae, aut in dissensionis
 necessitatem incurrat. Quare, & interrogatio temeraria,
 & inconsulta responsio, veniam vtriq[ue] vestrum ab altero
 impetrare debet. Neque enim de sommo in sacris literis
 p[re]cepto, vobis ansa ad digladiandum oblata est, neque
 nouus ullus de religione diuina introductus error: Sed
 vnam eandemque tenetis de fide sententiam, ita ut facile
 possitis ad ipsum communionis consensum venire. Nam
 non est consentaneum, vt propter vestram imprudentem
 de adeo paruis exiguisq[ue] rebus mutuò concertationem,
 tanta populi multitudo ad dissensionem rapiatur. Imò
 vero non modo non est consentaneum, sed omnino ne-
 fas esse existimatur. Verum ut rem breuiter exéplo quo-
 dam animis vestris mecum recognoscatis, dicam. Non
 vos p[re]terit, opinor, philosophos ipsos una quidem
 disciplinæ professione omnes inter se consentire, s[ecundu]m
 tamen in aliqua parte opinionum, quas assueratione af-
 firmant, discrepare: qui licet disciplinæ causa, quā quisq[ue]
 illorum

EVSEBII DE VITA

illorum tuerit, dissentiant, tamen ob professionem, qua
conspirare videntur, denuò inter ipsos in gratiâ redeunt.
Quod si ita se res habet, quid est cur non sit multo con-
uenientius, vt qui famuli præpotentis Dei cōstituti sunt,
propter ipsum religionis institutum, quod profitentur,
consentientibus animis inter se concordent. Cæterum
accuratiore cogitatione, & mente attentiore hoc, quod
iam à me dicetur, circuinspiciamus, num rectè se habeat,
vt per leuem & inanem verborum contentionem fratres
fratribus reluentur, & eximia concordia, impia simul-
tate per vos, qui de rebus tam exiguis minimeque necel-
sariis inter nos configimus, misere discerpatur. Popula-
ria quidem sunt ista, & puerili iustitiæ magis, quam sa-
cerdotū & prudentium hominū sapientiæ congruentia.

Hortatio ad concordiam.

CAP. LXVIII.

NOstra sponte igitur diabolicas tentationes euite-
mus. Et quoniam Deus opt. max. conseruator om-
nium, commune suæ gratiæ lumen omnibus por-
rexit, idcirco mihi eius famulo quæso per vos liceat, vt
illus prouidentiæ subsidio adiutus, meum conatum ad
eam lucem propagandam suscepimus, feliciter ad exitum
perducam: Atq; etiam vt ipsius populum, turu per literas
compellando, tum ministerium diligenter erga eum pre-
stanto, tum acriter admonendo, ad mutuam cōcordiam
traducam. Et cum, vti dixi, vna sit vobis fides, vnaque de
nostræ religione sententia, vnum denique legis ac disci-
plinæ institutum (quod quidem cum suis partibus vni-
uersum ecclesiæ corpus, consentiente animorum concor-
dia & professione deuincit) istud quod inter vos non
mediocrem contentionem excitauit, quoniam nullam
rem grauem in nostræ religionis quasi ambitu compre-
hensam attingit, non est cur distinctionem aliquam ani-
morum, aut discordiam in vobis pariat. Atq; hæc dico,
non vt cogam vos in hac leuicula & stulta quæstione,
qualiscumque tandem illa fuerit, penitus eandem senten-
tiæ sequi. Ac tametsi vos inter vos vicissim de re
quapiam minimi momenti dissentitis (Siquidem neque
omnes de omnibus rebus idem sentimus, neque vna ea
denique

demque in nobis indoles, aut mens versatur) tamen fieri poterit, ut eximia concordia sincere integreque seruetur: & vna inter omnes animorum conspiratio custodiatur, verum de diuina prouidentia vna vobis sit omnino fides, unus animorum consensus, vna de Deo sententia.

Quod ob ineptas quasdam voculas digladiandum non erat.

CAP. LXIX.

AT que de leuissimis istis questionibus inter vos argutè & subtiliter disquiritis, licet non in eandem sententiam tanquam pedibus eatis, ea tamen intra cōgitationis vestræ quasi fines continere debetis, intimo mentis domicilio recondita. Communis autem amicitie bonum, vera fides, reverentia erga Deum, & legis observationem, stabilis firmaque apud vos maneat. Redite in gratiam, & mutuam inter vos necessitudinē colite, uniuersoque populo suos mutuos complexus reddite: ipsique, vestris ipsorum animis contentionis labore purgatis, iterum amice & beneuole vos, alter alterum, excipite. Nam sæpe numero post inimicitias depositas, amicitia iterum reconciliata plus solet habere iucunditatis.

Quod pietatis causa summopere dolens, lachrimas profundere compulsus est, iterque quod in orientis partes instituerat, propter hec in aliud tempus distulerat. CAP. LXX.

DATE igitur mihi dies tranquillos, & noctes curæ ac molestiarum expertes, ut voluptas quæ tum ex sincera concordia luce, tum ex vita quieta capi solet, mihi integra in posterum conseruetur. Quod quidem si minus contingat, necesse est ingemiscere, lachrymis & mærore omnino confici: nec fieri potest, ut vitæ cursum de reliquo tranquille & sedate transigam. Nam quamdiu Dei populus eum dico, qui communis mecum erga deum obsequio fungitur) tam iniqua pernicioseque contentione, ab se mutuo dissidet, quomodo fieri potest, ut ipse animo tranquillo consistat? Atque ut incredibile huius doloris mortis intelligatis sic accipite. Non ita pridem ad Nicomedentium ciuitatem aduentans, extemplo iter versus orientem mature facere constituebam.

Ac me

EVSEBII DE VITA

Ac me quidem ad vos citato gradu properantem, eum maiorem itineris partem confecisset, ut prope iam vobiscum esse viderer, literarum istarum nuncius in contrariam cogitationem compulit, ne oculis ea videre cogarer, quae ne auribus quidem tolerari me posse plane existimabam. Deinceps igitur vestra concordia patefacite mihi, ad orientem aditum, quem vos vestris dissidiis ultrò citroq; feruentibus interclusistis: & efficite breui, ut cum vos pariter, tum reliquum vniuersum populum latitiae, gestientem cernam: & omnes vna pro communi omnium concordia, & libertate, consentientibus laudis praeconiis debitas gratias deo opt. max. agamus.

Quod post has quoque literas, questiones ac rixæ nihilominus durauerint. C A P. LXXI.

AD hunc modum, igitur Deo charus imperator his, quae ad pacem ecclesiæ facere videbantur, per epistolam missam diligenter prospexit. Ille vero bonus & spectatus nuncius, non solum literis fideliter perferendis, sed imperatoris iunctentis voluntati pro virili sua parte inseruuit. Et quamquam omnino pius vir fuit, sicut supra diximus, tamen hoc maius quiddam erat, quod per literas administrari posset: quippe magis magisq; dissentientium lis accreuit, & vniuersas orientis prouincias mali illius impetus invaserat: Inuidia igitur & perditus demon, qui semper ecclesiæ commenda egredie & iniquo animo fert, ista admisit.

Finis secundi Libri.